



STINAPA TA INFORMA

BARBULÈT I PÒSTKART

Imaginá bo un kompetensha di e kas más bunita dõrna durante Pasku. Anto sigur esun di dje lo a sali number 1! Erika Salsbach ta konosí pa su kreatividad i su trabou na un konosido libreria den pasado. “Un pòstkart, stampia òf korant?” Ahinda e ta sirbi hendenan lokal i turista ku un sonrisa na un negoshi lokal. “E ta duna bo deseo di biba”. Esei ta un di e razonnan ku Erica ta stima naturalesa di Boneiru. Erica ta komentá ku el a biba henter su bida na Boneiru. I e por bai fakansi afó pero pa nada di mundu lo kier biba pafó di Boneiru. “No tin riba Boneiru”, e ta suspirá. Erica ta un persona ku wowo pa detaye. E sa sinta anochi opservá i disfrutá asta e bichinan ku e ta wak bou di kaska di su palu di kwi. Speshalmente floran i barbulèt di Boneiru ta trese alegria p’e. Mas ainda e ta enkantá ku su lugá favorito na Boneiru: e kunuku di su prima. Pasobra e ta sintié asina dushi den e airu puru i ta sintié den otro ambiente. “Bo ta haña inspirashon ku normalmente bo no ta haña na kas òf otro kaminda”, e ta splika. Tambe e ta orguyoso ku tantu hende di rònt mundu ta bini pa nos laman bunita i limpi. Erica ta sigui splika ku e ta eksperenshá diariamente kon importante naturalesa ta pa nos entrada. E turista, segun e, ta bini speshal pa nos naturalesa limpi i bunita. I e ta bini tambe pa nos medio ambiente. Pasobra otro kaminda nan no ta hañé. Su mensahe ta pa kuida i apresia nos naturalesa tantu pa nos mes komo pa nos ekonomia. E ta importante den tur sentido. Nos hendenan di ántes tabata kombensí ku si bo benta un palu abou kaminda un hende ta biba pegá kuné, e persona ta muri. Pues nan tabata rekonosé e relashon fuerte entre naturalesa i hende. I diferente palu por ser uzá pa traha remedi pa bo salú. Miéntras ku aworakí ta kap palu pa loko pa konstrukshon. “Laga mi puntra bo algu: si bo topa un palu ora di yobida, e ta protehá bo tòg? Dikon nos no por protehé anto?” E ta konkluí ku firmesa. *Skirbí pa Natalie Wanga.*

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURALESAS



Traha huntu na un desaroyo duradero pa Boneiru